



Synfocity = 720

mail us at : mzsynfo@gmail.com; mizoramsynod@gmail.com - Phone - 2314648

February 14, 2019

❑ Nursing School/College Managing committee wawi 1-na

February 7, 2019 (Ningani) chhun dar 12:00 khan Nursing School/College Managing Committee wawi 1-na, Synod Hospital Committee Room, Durtlangah an thu. Committee hi Rev. B. Sangthanga, Executive Secretary-in kaihruaiin Secretary Report leh Member inhmelhriattirna neih a ni a. An thu ngaihtuah zingah 2019-2020 College session hawn chungchang te, Zirna senso chungchang (Fees etc.) te, College logo leh hming ziah dan tur chungchang te, Curriculum chungchang te, Hostel chungchang te, School building hlui (Lecture Hall) Classroom atan renovate chungchang te, Sub-Committee/Cell din chungchang te chu a langsar zualte an ni.

❑ Synod Hospital Board meeting wawi 133-na

February 13, 2019 (Nilaini) khan Synod Hospital Board Committee chu J.M. Lloyd Hall, Synod Office-ah an thu a, member 42 an kal. Meeting hi Synod Moderator Rev. R. Lalhmingthanga'n a kaihruai a, Dr. L.H. Thanga Singson, Secretary hnen atangin report ngaihthlak a ni a. Secretary report zingah Synod Hospital-a damlo awmpuitute tan Khualbuk (mipa riahna khum 14 leh hmeichhe riahna khum 16 awmna tur) sak tura hmalak mek a nih thu te, Palliative Care kalpui mek chu mipuiin an hriat zau theih nan Sawrkar lam nen Workshop leh Seminar te huaihawt thin a nih thu te, Community Based Rehabilitation (CBR) leh CBM project hnuaiah khaw hrang hranga rualbanlo te zawng chhuakin an tanpui thin thu te, February 2019 chhunga damlo rethei damdawi in awmman pe thei lo mi 186 te awm man Rs. 24,85,366/- chu Charity Fund atanga pek sak an nih thu te, mimal leh pawl, mi inphalte hnen atanga charity fund, donation leh thil chi hrang hrang dawn thin a nih thu te leh a thlawna thisen petu an awm reng thu te chu a langsar zualte an ni a. Hetiang hian Hospital Statistics Report tarlan a ni bawk.

Synod Hospital, Durtlang report (Jan. 2019):

1. Mit (Cataract) zai zat	- 15	4. Naupiang zat	- 211
2. Damlo inentir zat	- 7466	5. Mitthi zat	- 30
3. Damlo admit zat	- 1338	6. Operation neih zat	- 498

John Williams Hospital, Lunglei report (Jan. 2018 - Jan. 2019):

1. Damlo inentir zat	- 4911	4. Mitthi zat	- 10
2. Damlo admit zat	- 826	5. Operation neih zat	- 83
3. Naupiang zat	- 146		

❑ Pi Robert-i (Mair Roberts) kan chan ta

Pi Robert-i (Mair Roberts), Rev Allwyn Roberts (L) nupui chuan February 12, 2019 zing dar 4 vel khan kum 88 mi niin Bangor-ah Alzheimer natna avangin chatuan ram min pansan a. Pi Robert-i hi a pasal Pu Robert-a ai khan kum 3 in a upa zawk a ni. Pu Zosaphluia thlan chei that hlannaah May 27, 2017 khan Abergele-ah pawh kal ve-in khami bak kha chu Alzheimer natna vang hian pawn a chhuak zui thei ta lo a ni.

February 16, 2019 (Inrinni) dar 10:30am (BST), India ramah 4:00pm(IST) vel khian Pi Robert-i chu a lawina Berea Newydd chapel, Bangor-ah vui inkhawm (Welsh tawngin) neih a ni dawn a. Chumi zawh chuan a pasal phumna thlanmualah family burial neih a ni ang. A dam loh rei tawh avangin vui thuai hi an duh niin a lang. Pi Robert-i sunna thuchah hi Synod Moderator hmingin thawn a ni bawk.

❑ Finance

February 16, 2019 (Inrinni) hian Luangmual Vengthlang Kohhranah Account Training neihpui turin Pu Zaihmingthanga Fanai, Accountant; Upa P.C Vanlalrova leh Upa Vanlalsawma Siakeng, Synod Office te an kal ang.

❑ Bookroom

Biak In dar, pawh rik chi size chi hrang hrang kg 11 atanga kg 54 inkar, a man Rs. 7,200 atanga Rs 36,000 chu a thleng thar a. Dar pawhrik chi ni lo, dar bial (School dar kan tih mai ang) chi pawh a len dan chi hrang hrang a thleng thar bawk.

❑ MSSU

♦ February 14 & 15, 2019 hian Zawlpui Bialah Sunday School zirtirtu training neih a ni a, Upa Lalthahluna Ralte, MSSU Asst. Coordinator leh Rev. C. Lalrosiama, MSSU te an kal.

♦ February 16, 2019 (Inrinni) hian Tlangnuam Kohhranah Sunday Zirtirtu training neih a ni dawn a, Rev. B. Sangthanga, Executive Secretary, Upa Lalmuanpuia, MSSU Coordinator leh trainer te- Upa B. Lalhmunliana leh Upa F. Lalenghluna te an kal ang. Zannah Rev. B. Sangthanga, Executive Secretary-in Pathian thuchah a sawi bawk ang.

❑ Trust

February 12 & 13, 2019 khan Hnahtial Pastor Quarters enpuiin Rev. Lianhmingthanga Sailo, Senior Executive Secretary leh Pu Lalhriatrenga, JE te an kal.

Contd...

❑ **SL&PB lekhhabu thar**

Mission Chungchang : Mission lam zirnaa mi thiam Rev. K. Lalhmingliana ziah Mission Chungchang tih bu a chhuak thar a, kumina Puitling Sunday School zir nena țang dun țha tak a n. A man Rs. 120/- a ni. Pseudepigrapha : Nikum 2018 tawp lama Nilai Thupuaia zir Pseudepigrapha, Mizo țawnga lehlin a lo chhuak ta. Pathian thu zirnaa mi thiam 15 kutchhuak a ni a. Nilai leh Beihruai Thupui 2018-in Palestina rama ziah leh Grik-ho nunphung mila ziaak tih bu 16 lehlin a ni. Thuthlung Hlui thute nena inkungkaih engemaw zat a awm baw. A man Rs. 350/- a ni.

❑ **KTP**

Synod Executive Committee (SEC) 255:41 rel angin kum 2016 ațangin KTP Day chu February 16-ah hman a lo ni ta a. Kumin 2019 KTP Day hi Inrinni a nih avangin Mizoram chhung leh ram pawna Branch KTP ten zan lama programme bik siam a remchang lo mai thei a. Central KTP Committee-in KTP Day hman dan tur ruahmanna thar eng mah a siam hran lo va. February 15, 2019 (Zirtawpni) zanah Synfo Hruaina Eng FM Radio-ah KTP Day 2019 Thuchah, CKTP Leader Rev. Dr. K. Lallawmzuala sawi tihchhuah a ni ang. Kum danga ruahmanna lo siam tawh sa, heng a hnuai tarlan ațang hian mahni Branch remchan dan anga KTP Day programme hi hman mai tur a ni ang.

1. Biak In hung chhung hmun remchang laia KTP flag tar,
2. Biak in leh a vel tihfai
3. Veng chhung tihfai,
4. Mi harsa & damlote țanpui
6. A remchan anga KTP thiltum & thupui zirho,
5. Thisen pek
7. A remchan anga mi hlate huikhawm zawnga Branch intihlimna lam hawi programme buatsaih.

❑ **Synod Revival**

February 8 - 10, 2019 chhung khan Operation Nehemia neih leh a ni a, group 5-ah inthen darhin Aizawl khawchhung leh Dai velah te hun an hmang a, mi 450 chuang hnenah țawngțaisakna hun an hmang baw. February 13 - 17, 2019 chhung hian Rangvamual, Phungchawng, Air field leh Air Field Vengthar huam chhungah riaklutin Home Crusade neih mek a ni baw.

❑ **Synod Relief Fund**

Tun hnaia harsatna hrang hrang neite hnenah Synod Relief Fund ațangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Champhai Zotlang North	Kangmei tuar	5	Rs. 32,000/-
2.	Champhai Venglai	Damlo	1	Rs. 13,800/-
3.	Venghnuai	Kangmei tuar	1	Rs. 10,000/-
4.	Nalzawl	Damlo	1	Rs. 10,000/-
5.	Tlangnuam	Damlo	1	Rs. 8,000/-
6.	Ramhlun North	Khawsak harsa	1	Rs. 8,000/-
			TOTAL	Rs.81,800/-

January thla chhunga Synod Relief Fund ațanga chhawmdawlina pek dan hetiang hi a ni.

Damlo Rs. 89,000/-

Kangmei tuar Rs. 32,000/-

January thla chhunga chhawmdawlina pek belkhawm hi Rs. 1,21,000/- a ni.

❑ **Hruaina Eng FM Radio**

♦ **FEBRUARY 15, 2019 (FM Zoawi Aizawl & FM Lunglei @ 7:30 p.m.):**

Solo- Baby Malsawmtluangi - Chhandamtu, **Solo-** B. Lalremtluangi - Eliza au leh rawh, **Zaipawl-** Venghluai Pastor Bial Zaipawl - Lalpa lo kal a hnai ta, Thusawi - Rev. Dr. K. Lallawmzuala - K.T.P Day Thuchah, **Solo-** Zosangzuala Chhangte - Ka duh tu dang mah an awm lo, **Solo-** Biakdika(B.D-a) - Min chhanchhuak ta, **Zaipawl** - TBZ choir - Boral te chu hruai turin

❑ **Hruaina Eng TV Programme - Susamachar Prasaran Programme**

♦ **FEBRUARY 17, 2019 (Pathianni) 5:00 pm. :**

Group/Choir/Solo: Himali Kohhran Zaipawl - Isu Mash tere Jeisa Koi Nahi, **Group/Choir/Solo:** Sihphir Bial - Yeshu Mashi, **Sermon:** Rev Laltharzuala - Masib hamara Adarsh, **Group/Choir/Solo:** Siyon Swaram - Tere Charno, **Group/Choir/Solo:** Soni Lalnunsangi - Ashantima

♦ **FEBRUARY 17, 2019 (Tv Programme) @ 4:00 - 6:00, 8:00 - 9:00 p.m) :**

Weekly Round Up, Sermon : Rev. Lalsangbera - Thuawihna, Kohhran Hmeichhe Inkhawmpui Lian 2019 Thlirlawkna

❑ **Moderator Programme**

February 16, 2019	Inrinni	Zan	Kanghmun Kohhran	Kanghmun Bial
February 17, 2019	Pathianni	Chawhma	Khawrihnm Kohhran	Kanghmun Bial
February 17, 2019	Pathianni	Chawhnu	Lungphun Kohhran	Kanghmun Bial
February 17, 2019	Pathianni	Zan	Kanghmun Kohhran	Kanghmun Bial

Synod Social Front Helpline: 9089777129;

Tuai & Patil Helpline : 8729800130;

Students' Helpline : 9856883377

WWW.MIZORAMSYNOD.ORG

Synod Information & Publicity
Phone - 2314648

Synfo